

Na osnovu člana 63. stav (5) i člana 92. stav (6) Zakona o javnim nabavkama („Službeni glasnik BiH“ broj 39/14), uz saglasnost Odbora Agencije za javne nabavke Bosne i Hercegovine, direktor Agencije za javne nabavke Bosne i Hercegovine donosi

Uputstvo o načinu vođenja zapisnika o otvaranju ponuda

Član 1.

(Predmet zapisnika)

- (1) Na javnom otvaranju ponuda podaci utvrđeni u članu 63. stav (4) Zakona o javnim nabavkama BiH unose se u zapisnik prema obrascu zapisnika koji je u Aneksu i koji čini sastavni dio ovog uputstva.
- (2) Ako je ugovorni organ kao kriterij za dodjelu ugovora izabrao najnižu cijenu, popunjava se u zapisniku tabela 11 a) sažetka ponuda primljenih u roku.
- (3) Ako je kriterij za dodjelu ugovora ekonomski najpovoljnija ponuda, ugovorni organ je dužan popuniti u zapisniku tabelu 11 b) sažetka ponuda primljenih u roku.

Član 2.

(Vođenje zapisnika)

Zapisnik o otvaranju ponuda ugovorni organ vodi na sljedeći način:

- 1) neposredno bilježi sve saopštene informacije,
- 2) na kraju otvorene sjednice popunjeni zapisnik potpisuju predsjedavajući komisije za nabavke, ili drugi član komisije, kao i svi predstavnici ponuđača koji su prisustovali otvaranju ponuda,
- 3) takav zapisnik odmah postaje sastavni dio tenderske dokumentacije,
- 4) kopija zapisnika o otvaranju ponuda dostavlja se svim ponuđačima odmah, ili najkasnije u roku od tri dana od dana otvaranja ponuda, uključujući i one ponuđače čiji predstavnici nisu prisustovali otvaranju ponuda.

Član 3.

(Stupanje na snagu)

Ovo uputstvo stupa na snagu osmog dana od dana objavljivanja u “Službenom glasniku BiH”, a primjenjuje se od 27.11.2014. godine.

Broj:01-02-2-2238-2/14
Datum:11.11.2014.godine

Direktor
Đinita Fočo

